



DEO OPTIMO MAX:

UNI ET TRINO,

VIRGINI DEIPARÆ, ET S. LUCÆ,
Orthodoxorum Medicorum Patrono.

QUÆSTIO MEDICA.

QUOD LIBETARIIS DISPUTATIONIBUS;
*manè discutienda, in Scholis Medicorum, die Mercurii trigesimo
mensis Januarii, Anno Domini M. DCC. XLIII.*

M. JACOBO-FRANCISCO LE CHAT DE LA
SOURDIERE, Doctore Medico, Præside.

An ubique corporis sanguis idem ?

I.



ORPUS humanum, solidis constat & fluidis; ab his illa
ortum ducunt. Solida vasis constant innumeris; rectius
vas dixeris unicum. Vasa tenerrima adhuc indefinente
liquoris per canalem cylindricum, plenum, conicum,
ex lato in angustius rectà propulsi impetu, juxtà axim
suam elongantur, attenuantur. Interim succus in infinitum propè
divisus fibrarum elongatarum interstitia replet; undè incrementum.
Cum verò corpus varium sit & mutabile, effluxu indefinente teri-
tur, fit continua partium abrasio quæ jugi tanti & talis liquidij

A

2

affluxu refarcitur ; hinc nutritio. Horum phænomenon fontem quæris ? Scrutare potius totius corporis humorum omnium scaturiginem. Præstò erit vivifica illa benignaque liquidi moles quæ sanguis audit. Hic est à quo motus pendet , qui secretionibus materiam subministrat, qui totam microcosmi machinam tuetur, verbo, ab illo sanitas & vita. Cùm ergò tot diversis muniis intersiat , cùm aliundè omnes & diversæ corporis partes augeri, enutrirì, moveri, foveri indigeant ; num hinc in diversis illis partibus sanguinis diversitatem fas est subodorari ?

I I.

SANGUINIS nomine totam humorum massam intelligas. In Arteriiis venisque præcipuè contentam reperies ; ut ut *homogeneity* specie referat , nimium ne crede colori. Corpusculis constat non unius generis , sed variâ magnitudine, indole , motu præditis , cedentibus æquè ac resistentibus, & comprimi docilibus, & resiliire , expandique aptis. Hinc omnes humores sive utiles, sive inutiles. Hinc sanguinis diversitatem repetas. Absit enim ut ad hanc in diversis corporis partibus astruendam , in veterum verba jurare adstricti ad humorum alibilibium quaternionem recurramus. Consequitur ille jamdiù. Corpus univèrsum est vas unicum diversimodè contortum & inflexum. Num unius vasis reparationi unicus humor ? An verò succus nerveus , an pars gelatinosa sanguinis hoc adimpleto munere gloriari debeat , adhuc lis est sub judice , nec illam hîc componere nostri est instituti. Absit ut ad hanc exponendam mutationem aut quorundam systematibus intricare nos patiamur , aut aliorum tenebris obvolvi ; procul hînc fermenta nullo innixa fundamento. Procul occultæ antiquorum qualitates , mera ignorantia velamina , quibus cæteris fucum facere consueverant. Multo meliùs & sentire & loqui docent recentiores. Horum vestigiis inhærentes solam Duce[m] sequamur naturam.

I I I.

INTEGRANTIUM liquidi partium figuram muta ; mole[m] auge , imminue ; motum accelera , comprime , cohesionem stringe , repera ; cæteras proprietates varia , adde , detrahe ; conjunge , dissocia ; subige , elabora , permisce , dilue , inspicere , jam non idem liquidum adesse censebitur , quin & planè diversum apparebit & erit. Hinc ad *χυλδαίους* , & *διυταίους* , & omnium secretionum intelligentiam quàm inutilia , quàm commenta fermenta , diversi generis

cribra, humores analogi & alia ³ hujus farinae figmenta vel cæcus videt. Porro his mutationibus perpetuò obnoxium esse sanguinem quis nisi in physiologicis rebus planè hospes inficiàs ierit? Sanguinem dextri sinistrique cordis thalami curiosus introspecte; illuc crudum, leviter confusum, diversicolore, hinc subactum magis, magis permixtum, & rutilantem miraberis. Tanta est in mutando sanguine pulmonum vis & ἐνέργεια: neque tamen putes illis solis provinciam hanc à naturâ fuisse mandatam: hujus partem sibi vindicant cor & arteriæ, eòdem collimat motus in variis partibus varius, ipsa vasorum structura manus dat auxiliatrices, rectiùs dicam, tota machinæ compages in partem operis venire gestit. Ergò ubique sanguis mutatur in contactu particularum & in figuris harum. Ergò... Sed hæc flocci facis? At sequentia non respues.

I V.

VIS igitur quid clariùs? nec repulsam patieris. Supponantur omnes qui sanguinis massam constituunt humores æquales ad pondus, ut aiunt, vel ad justitiam: scilicet sit unius cujusque æqualis aut proportionata quantitas. Partem alicujus ex his humoribus deme, jam peribit illa æqualitas aut proportio in toto, sed factâ quâlibet secretionem, sive spirituum in cerebro & cerebello, sive bilis in hepate, sive salivæ & succi pancreatici in diversis glandulis, sive lactis in mammis, sive urinæ in renibus, sive transpiratorii humoris per universam cutim; tollitur reverâ hæc proportio aut æqualitas; ergo factâ quâlibet secretionem jam non idem adest sanguis. Sed quid his immoror temporis malè parcus? Segniùs irritant animum Demissa per aurem, quàm quæ sunt oculis subjecta fidelibus. Fides igitur penès oculos: arteriosum venosumquè sanguinem vel è longinquo respice: manus dabis invitus. In arteriis floridus sanguis, dives opum pabula cunctis laturus partibus saliens & quasi exultans progreditur, in venis obscurus, inops, æquali tranquilloquè pede redit novis restaurandus subsidiis.

V.

NEQUE putes hæc temerè aut fortuitò contingere. Ut natura utilium prodiga, sic inutilium parca. Varias perlustra corporis partes, ubique mutatum, sed idèò muniis adimplendis humoribusvè discernendis aptiorem sanguinem reperies. Ordine n si mutaveris, brevi tota dissolvetur machinæ compages. Hoc cum tot exemplis confirmari possit, quot sunt in corpore secre-

tionem, unum sufficiat. Immenſum quot vaſa, quot artes inſumar, per quot orbes ambagesque circumagat, quantum à ſolito circulationis ordine ſanguinem naturam deducat, antequàm illi portarum venam ingredi fas ſit. Cùm alibi arteriæ, hîc vena materiam ſcernendam maximâ lymphæ ſuæ parte orbatam ſubminiſtrat. Quod autem à ſanguine venoſo, atque ex omento, ventriculo, liene, pancreate, meſenterio & inteſtiniſ reſuſo, neque ab arterioſo perinde ac ubique corporis fieri ſolet humorum ſecretio, biliola materies ſegregetur, naturam hallucinantem incuſas? Hallucinaris ipſe. Sic in diverſis illis partibus immutatur ſanguis ut bilem faciliùs poſſit dimittere. Huic ſanguini arterioſum ſubſtitue, jam bilis deficiet, jam *χολῶσις* non perficietur. Jam ergo totum corpus ſuo ſucco nutritio defraudabitur, motore orbabitur, jam ergò corruet. Idem dicendum de ſingulis ſecretionibus. Ergo non temerè nec fortuito, ſed neceſſariò ſanguis immutatur. Quis nunc nobis refragabitur concluſionibus.

Ergo non ubique corporis idem ſanguis.

DOMINI DOCTORES DISPUTATURI.

M. Laurentius Ferret, Chirurgiæ Gallico idiomate Profeſſor designatus.

M. Joannes Midy.

M. Joannes-Jacobus Belleſte.

M. Michaël-Philippus Bouvart.

*M. Michaël-Joſephus Majault.
M. Antonius Ferrein, Regiæ Scientiarum Academiæ Socius,
Profeſſor Regius, & Chirurgiæ Profeſſor designatus.*

M. Hyacinthus-Theodorus Baron, Antiquus Facultatis Decanus.

*M. Joannes-Franciſcus Coutbier.
M. Joannes-Baptiſta Mongis,
Medicus Regiſ ordinaris.*

Proponetur Pariſiis FRANCISCUS BERNARD, Abreincenſis, Saluberrimæ Facultatis Medicinæ Pariſienſis Baccalaureus, A. R. S. H. 1743. à ſexti ad meridiem.